

Saksgang

Utval	Utv.saksnr.	Møtedato
Hovudutval for kultur, idrett og integrering		21.04.2020

Tilskot til Inkludering og mangfald 2020 - tildeling

Forslag til vedtak:

Hovudutval for kultur, idrett og integrering vedtek å løyve 1 300 000 kroner frå budsjettpost 402 300 fordelt slik:

Søkn. nr.	Søkjjar	Prosjektnamn	Tilrådd sum
1	Stiftelsen Lystgården	Mat som verktøy for sosial berekraft	0
2	Opplæringskontoret ABM Hordaland	Rekruttering av bedrifter til tilrettelagt opplæring	0
3	Skaparstovo	Oppstart Skaparstovo	0
4	Autismeforeningen i Hordaland	Møtepunkt unge vaksne med Asbergers	0
5	Askøy helsesportslag	Svømmetilbod for barn og vaksne med funksjonsnedsetteles	0
6	SOFJO Pride	Pride for kommunane i Sogn og Fjordane 2020	30 000
7	Bergen internasjonale filmfestival (BIFF)	Checkpoints	0
8	FRI Vestland	Mangfalds- og inkluderingsarbeid	300 000
9	Pensjonistforbundet i Sogn og Fjordane	Driftstilskot	60 000
10	Pensjonistforbundet i Hordaland	Tilskot til aktivitetar	60 000
11	Vestland Innvanderråd	Kartlegging og nettverksbygging	50 000
12	Askøy fotballklubb	Fargerik fotball	0
13	Bergen Næringsråd	Forprosjekt internasjonal mathall	0
14	Seim skyttarlag	Ny miniatyrskytebane	0
15	IL Kvernbit	Inkludering, mangfald og meistringsglede	0
16	Norges Handicapforbund	Drifts- og prosjektstøtte	0
17	Somalisk barneaktivitet	Barne- og ungdomsaktivitet	0
18	Stiftelsen Kirkens bymisjon i Bergen	Batteri vest-Norge	0

19	Funksjonshemmedes Vestland (FFO Vestland)	Kurs, informasjon og brukarmedverknad	575 000
20	Norsk Folkehjelp Sunnhordaland	Kurs i avfallshandtering	0
21	Papillion	Skuleprosjektet «Eg e' meg» for ungdommar med krysskulturell bakgrunn	30 000
22	SAFO Sør-vest	Drifts- og prosjektstøtte	50 000
23	LEVE – landsforeningen for etterlatte ved sjølv mord	Nye tiltak innan sjølv mordsforebygging og sorgstøtte	25 000
24	Austebygda fritidspark	Gjerde og tilrettelegging for tilkomst for mangfald	0
25	Førdefestivalen	Bornas Verdsdagar	40 000
26	Hordaland Røde Kors	Opne møteplassar med norsk trening	80 000
27	LINK Bergen og omegn	STYRK – selvhjelpsgrupper for mobilisering og læring blant likemenn	0

Det vert vist til vedlegget med oversikt over søkjarar for grunngjeving av vedtaket.

Samandrag

Tilskot til «Inkludering og mangfald» skal støtte opp om frivillig sektor og institusjonar på regionalt nivå som jobbar med å stimulere til brei samfunnsdeltaking og å bygge ned hinder som stengjer for dette. Ordninga skal bidra til å motverke utanforskap, og stimulere til variasjon og mangfald i tilbod og aktivitetar. 27 søknader er vurdert, og 11 er tilrådd tilskot dette året.

Per Morten Ekerhovd
fylkesdirektør

Ingebjørg Erikstad
konst seksjonssjef

Saksframlegget er godkjent elektronisk og har difor ingen handskriven underskrift

Vedlegg:
Oversikt over tildelinga

Saksutgreiing

Bakgrunn for saka

Hovudutval for kultur, idrett og integrering vedtok i KII-sak 6/2020 i møte 13.02.2020 retningslinjer for tilskotsordninga «Inkludering og mangfald». Begge dei to tidlegare fylkeskommunane har i sine vedtekte regionale kulturplaner hatt fokus på inkludering. Ei sentral oppgave for den nye fylkeskommunen er oppfølging av frivilligheit og samfunnsdeltaking. Medan integrering er knytt til innvandrarar, er inkludering eit breiare omgrep som femner om alle som fell utafor

Føremål med ordninga:

Målet med tilskotsordninga er å stimulere til brei samfunnsdeltaking og å bygge ned hinder som stengjer for dette. Ordninga skal bidra til å motverke utanforskap, og stimulere til variasjon og mangfald i tilbod og aktivitetar. Gjennom ordninga skal kunnskap om og respekt for ulike kulturar, demokrati og menneskerettar styrkast. Tilskotsordninga skal bidra til å bygge opp under fylkeskommunen sine mål og arbeid på området inkludering og mangfald.

Kven kan søkje?

Tilskotsordninga er retta inn mot frivillige organisasjonar med demokratisk oppbygging og institusjonar som arbeider innan inkludering og mangfald på regionalt nivå, og som har heile eller store deler av Vestland fylke som sitt arbeidsområde.

Budsjett 2020:	kr. 1 300 000
Søknadsfrist 2020:	15.03.2020
Vedtaks kriteria:	Hovudutval KULII 13.02.2020, PS nr.6/20
Kriteria og informasjon om ordninga:	Informasjon på nettsida, epost til m.a. frivillig sektor
Vår 2020:	
Tal på søknadar:	27
Tal på søknadar som vart tildelt støtte:	11
Samla søknadssum:	kr 5 586 590
Samla løyving:	kr 1 300 000

Det er ingen midlar att til fordeling haust 2020 på denne ordninga.

Vedtakskompetanse: Hovudutval for kultur, idrett og integrering, jf. vedtekte reglement for hovudutval for kultur, idrett og integrering, punkt 3.

Vurderingar og verknader:

Økonomi: I saka vert det tilrådd fordelt 1,3 mill kr som er sett av i budsjett 2020 til drift og tiltak i regi av regionale frivillige organisasjonar og institusjonar.

Klima: Tilskotsordninga skal vere med og hjelpe fram frivillig sektor sin innsats til ei berekraftig regional utvikling med hovudfokus på deltaking.

Folkehelse: Mange av søknadane og tiltaka har klart folkehelseperspektiv, og tilskota vil ha positiv verknad på fylkeskommunen sitt samla folkehelsearbeid.

Regional planstrategi: Høyringsforslag til utviklingsplan for Vestland har m.a. fokus på at Vestland skal fremje opne og inkluderande arenaer for deltaking i kultur, frivillig arbeid og sivilsamfunn.

Tilskot til den aktiviteten som søkjarane her representerer vil verke positivt inn på samfunnsutviklinga i Vestland.

Fylkesdirektøren sine overordna kommentar til innstillinga:

Ordninga er ny på den måten at det er nytt at hovudutval for kultur, idrett og integrering handterer den, og at den har fått nytt namn. Midlane som ligg til fordeling er overført frå organisasjons- og økonomiavdelinga i tidlegare HFK. Ordninga hadde då nemninga «Ymse tiltak», og det var fylkesutvalet som handsama søknadane. Fylkesdirektøren viser til sak 6/2020 i KULII 13.02.2020 der tilskotsordninga vart etablert og fekk sine retningslinjer. Der vart det m.a. drøfta korleis handtere denne overgangen, og der fylkesdirektøren si tilnærming er å tenkje seg ei gradvis justering av innretninga på ordninga, slik at ev endringar ikkje rårkar dei frivillige aktørane unødige. Dette omsynet vil til ein viss grad prege fylkesdirektøren si innstilling i saka.

Fylkestinget i budsjetthandsaminga i desember 2019 gjorde følgjande vedtak om løyvingar som ligg til denne budsjettposten:

Robin Hood-huset	kr 200 000
Raftostiftelsen	kr 400 000

Minnemarkering etter tankens dag	kr 50 000
FFO*)	kr 70 000
Døvesenter	kr 300 000
Helsesenter papirlause	kr 300 000

*) fylkesdirektøren oppfatar denne summen til å sikre vidareføring av ekstraløyving FFO Hordaland fekk i 2019. Hovudsøknaden er likevel ikkje gjort vedtak på, og vert handsama i denne saka.

Fylkestinget i desember løyvde også driftstilskot til Det felles innvandrerråd, no Vestland innvandrerråd på 710 000 kroner (kunst- og kulturutvikling).

Fylkesdirektøren vil elles vise til at det innan fleire av fagområda i både i avdeling for kultur, idrett og inkludering, og i fylkeskommunen elles, vert lagt stor vekt på inkludering, både via tilskot (t.d. idrett og friluftsliv, bibliotek) og via det faglege arbeidet som vert gjort.

Søknadsmassen viser at det er mange aktørar som arbeider godt med inkludering og mangfald frå ulike perspektiv. Fleire av søknadane har også eit tydeleg folkehelseperspektiv.

Nokre av søkjarane vil det vere av stor interesse for fylkeskommunen å ha nærare drøftingar og samarbeid med når integreringspolitikken skal utformast vidare, jf også vurderingar i vedlegg. Fylkesdirektøren vil arbeide vidare med dette, og også synleggjere for utvalet i seinare saker korleis vi kan legge opp slikt mogleg samarbeid som truleg også bør involvere andre sektorar i fylkeskommunen.

Absolutte kriteria:

Søklar må vere fylkesdekkande, eller i det minste dekke store deler av fylket (regionalt nedslagsfelt).

Vurderingskriteria:

Det vert lagt vekt på at søklar skildrar og dokumenterer sin aktivitet innan inkludering og mangfald ved å vise til korleis dei arbeider for å:

- bygge ned stengsler for aktiv samfunnsdeltaking
- motiverer til aktiv samfunnsdeltaking og motverkar utanforskap
- stimulere til mangfald i tilbod og aktivitetar
- fremje kunnskap og respekt for ulike typar kulturar, demokrati og menneskerettar.

Fylkeskommunen legg FN sine berekraftsmål til grunn i sitt planarbeid. Berekraftsmåla skal bidra til ein balanse mellom økonomisk utvikling, sosial utvikling og naturmiljøet si toleevne. Tilskotsordninga skal vere med og hjelpe fram frivillig sektor sin innsats til ei berekraftig regional utvikling.

Frivillige organisasjonar som mottok tilskot frå fylkeskommunen skal ha ein heilårleg aktivitet, og eit langsiktig perspektiv for sitt arbeid. Fylkeskommunen kan setje vilkår for bruken av tildelte midlar. Tilskot frå denne ordninga vert ikkje gitt til organisasjonar/tiltak som naturleg høyrer heime under andre fylkeskommunale tilskotsordningar (t.d. ordningar innan idrett og friluftsliv, kunst, kultur, m.m.).

Fylkeskommunen kan krevje attendebetalt tilskot som vert nytta i strid med gjevne vilkår.

Generelle vurderingar:

Fleire av søknadane fell utanfor tilskotsordninga då dei er av lokal karakter. For nokre av søknadane gjeld også at dei kan søkje andre fylkeskommunale ordningar der dei meir naturleg høyrer heime.

Der vi har tilrådd tilskot, har vi lagt stor vekt på omsynet til tilrettelegging for aktiv samfunnsdeltaking, motverke utanforskap, og mangfald i aktivitetar og tilbod. Budsjettramma set sine grenser, og gjer såleis at enkelte gode søknader ikkje vert prioritert for tilskot i 2020.

I søknadsmassen er det både søknader om driftstilskot og søknader på meir prosjektretta tiltak. I begge tilfelle vert det lagt stor vekt på at tilskota som vert tilrådd skal nå mange, samstundes som det skal vere ei viss breidde i aktivitet og tiltak. Mange av dei prosjektretta søknadane er ulikt komne i finansieringsarbeidet. Dette, og den aktuelle koronasituasjonen kan medføre at enkelte prosjekt ikkje vert realisert. Fylkesdirektøren vil ha tett dialog med tilskotsmottakarane med tanke på framdrift og gjennomføring.

Ein søknad frå Bergen Næringsråd om tilskot til forprosjekt for internasjonal mathall i Bergen er etter intern samordning sendt over til avdeling for innovasjon og næringsutvikling for vurdering og handsaming under ordninga «Handlingsprogram for Næringsutvikling i Vestland». Søklar er informert om overføringa.

Tilskotsordninga har eit breitt perspektiv, og målgruppa er samansett. Det er såleis viktig å evaluere og ev justere ordninga, innretning, retningsliner, m.m. Det kan også vere aktuelt å vurdere enkelte mindre budsjettjusteringar. Dette vil fylkesdirektøren komme attende til i samband med budsjett og handlingsplan for 2021.

Konklusjon:

Fylkesdirektøren viser til opplysningane og drøftingane over, og rår til vedtak i tråd med innstillinga.